

四庫全書

史部

# 欽定四庫全書

史部

稽古錄

目錄  
卷一至九

詳校官修撰臣錢 榮

刑部郎中臣許兆椿覆勘

總校官原任中允臣王燕緒

校對官中書臣王鍾泰

謄錄貢生臣蕭倚年

欽定四庫全書

史部二

稽古錄目錄

編年類

卷一

伏羲氏

一百一十年

神農氏

一百四十年

有熊氏

一百一十年

金天氏

八十四年

高陽氏

七十八年

高辛氏

七十年

卷二

陶唐氏

一百一十年

卷三

有虞氏上

合下卷  
五十年

卷四

有虞氏下

夏后氏上

合下卷十七至  
四百三十二年

卷五

夏后氏下

卷六

殷上

合下卷三十主  
六百二十九年

卷七

殷下

卷八

周上

卷九

周下

至共和初十一主自  
是以後年始可譜

共和之初諸侯所自出

魯

至慎  
公濞

齊

至武  
公壽

晉

至靖侯  
宜臼

秦

至秦  
仲

楚

至熊  
勇

宋

至僖  
公

衛

至僖  
侯

陳

至幽  
公寧

蔡

至武  
侯

曹

至夷  
伯喜

卷十

共和

元年至  
十四年

宣王

四十六  
年

幽王

十一年

平王

五十六  
年

桓王

二十三年

莊王

十五年

釐王

五年

惠王

二十五年

襄王

三十三年

頃王

六年

匡王

六年

定王

二十一年

簡王

十四年

靈王

二十七年

卷十一

景王

二十五年

敬王

四十三年

元王

八年

貞定王

二十八年

考王

十五年

威烈王

二十四年

安王

二十六年

烈王

七年

顯王

四十八年

慎靚王

六年

赧王

五十九年

秦昭王

五十五年

孝文王

一年

莊襄王

三年

始皇

三十七年

二世

三年

卷十二

西漢高祖

十二年

惠帝

七年



高后

年八

文帝

二十三年

景帝

十六年

武帝

四十五年

昭帝

十三年

宣帝

二十五年

元帝

十六年

成帝

二十六年

哀帝

六年

平帝

五年

孺子

三年

王莽

十四年

淮陽王

二年

卷十三

東漢光武

三十三年

明帝

十八年

章帝

三十三年

和帝

十七年

殤帝

一年

安帝

十九年

順帝

十九年

冲帝

一年

質帝

一年

桓帝

二十一年

靈帝

二十二年

獻帝

三十一年

魏文帝

七年

明帝

十三年

邵陵厲公

十四年

高貴鄉公

六年

元帝

年五

晉武帝

年二十

惠帝

年十七

懷帝

年六

愍帝

年四

東晉元帝

年六

明帝

年三

成帝

年十七

康帝

年二

穆帝

年十七

卷十四

哀帝

年四

海西公

年五

簡文帝

年二

孝武帝

年二十

安帝

二十二年

恭帝

一年

宋武帝

二年

營陽王

一年

文帝

三十一年

孝武帝

十一年

明帝

八十年

蒼梧王

四十年

順帝

二十二年

齊高帝

四十年

武帝

十一年

明帝

五十年

東昏侯

二年

和帝

一年

梁武帝

四十八年

簡文帝

二年

元帝

三年

敬帝

二年

陳武帝

三年

文帝

七年

臨海王

二年

宣帝

十四年

長城煬公

六年

隋文帝

十六年

煬帝

十二年

恭帝

一年

唐高祖

年九

卷十五

太宗

年三十

高宗

年四十

中宗

年五

玄宗

年四十

代宗

年十七

順宗

年一

則天后

年二十

睿宗

年二

肅宗

年七

德宗

年二十

憲宗

年十五

穆宗

年四

敬宗

年二

文宗

年十四

武宗

年六

宣宗

年十三

懿宗

年十四

僖宗

年十五

昭宗

年十五

哀帝

年二

梁太祖

年六

均王

年十

唐莊宗

年三

明宗  
年八

潞王  
年二

晉高祖  
年七

齊王  
年四

漢高祖  
年二

隱帝  
年二

周太祖  
年四

世宗  
年五

卷十六



歷年圖序

卷十七

本朝

太祖

建隆三年

乾德五年

開寶八年

太宗

太平興國八年

雍熙四年

端拱二年

卷十八

真宗

咸平六年

景德四年

大中祥符九年

卷十九

仁宗

天聖九年

明憲二年

景祐四年

寶

卷二十

仁宗

慶厯八年

皇祐五年

至和二年

嘉

英宗

治平四年

臣等謹案稽古錄二十卷宋司馬光撰光既

撰資治通鑑又有舉要厯有目錄有厯年圖

有百官表厯年圖仍依通鑑起于三晉終于

顯德百官表止著宋代是書則上溯伏羲下

訖有宋靡不備載而為書不過二十卷蓋以  
各書卷帙繁重又歷年圖刻于他人或有所  
增損亂其卷帙故芟除繁亂約為此編而諸  
論則仍歷年圖譜之舊陳振孫書錄解題曰  
越本彙聚諸論于一卷潭本則分係于各代  
之後此刻次第蓋依潭本較越本易于循覽  
朱子甚重其書嘗曰可備講筵續六經讀之  
雖推之未免少過然觀其諸論于歷代興衰

治亂之故反覆開陳靡不洞中得失其言誠  
不悖于六經通鑑文繁粹不易究是編言簡  
而義該洵讀史者之圭臬也南渡以後龔頤  
正嘗續其書今永樂大典所載尚有全本然  
頗正人品遜光遠甚持論未允是非頗乖于  
公議陳振孫不取其書誠非無見蓋視光所  
作不可同日語矣乾隆四十二年六月恭校  
上

總纂官臣紀昀陸錫熊臣孫士毅

總校官臣陸費墀



進稽古錄表

臣光言竊以九州四海一日萬幾將察知民物之性情  
蓋布在文武之方策雖厯年多而舉其大要則用力少  
而見夫全功恭以皇帝陛下富有春秋教寧方夏念終  
始典於學於緝熙單厥心延登老成親近觀講發論語  
章句探經藝之同歸誦寶訓丁寧憲祖宗之不易有本  
如是實惟濫觴惟稽古堯舜之舊章惟信史春秋之成  
法高山可仰覆轍在前其興亡在知人其成敗在立政

或當艱難之運而不能師用賢智或有惻隱之意而無以照知忠邪載籍之編患乎太漫鑒觀之主力不暇遑敢用芟夷略存體要由三晉開國迄於顯德之末造臣既具之於歷年圖自六合為宋接乎熙寧之始元臣又著之於百官表乃若威烈丁丑而上伏羲書契以來對越神人可用龜鏡悉從論纂皆有憑依總而成書名為稽古錄二十卷因仍書局繕寫奏篇茲冒昧以上陳助聰明之遠覽臣光中謝恭惟太皇太后陛下定九鼎以



守天下之重器乘六龍以御古今之正權思齊之功啓  
佑聖學過物之濟燕及宗祧至於法弊於涼而改為官  
非其人而變置御戎之策上下措國之勢安危據舊以  
鑒新去彼而取此陶成萬化簡在兩宮七廟乘無疆之  
休徽臣與不朽之業干冒宸扆無任司馬光進表

--	--	--	--	--	--	--	--

欽定四庫全書

稽古錄卷一

宋 司馬光 撰

伏羲氏

太昊伏羲氏

太昊有天下之號伏羲氏其所以有天下之號也惟天生民有欲無主乃亂必立聰

明之君長以司牧之何謂司牧蓋民不足於衣食則能養之衣食足矣或不知禮義相侵漁則能教之教之備矣或頑嚚不從則能威之由是民愛之如父母仰之如日月信之如四時畏之如雷霆莫不悅服推而尊之聰明之小者所服寡聰明之大者所服衆所服寡者為聚邑之長為士大夫卿所服衆者為一國

之君君一國者是為諸侯天下為國位均力敵或相  
侵陵吞噬莫能相治必待天生聖人出乎其類拔乎  
其萃聰明照萬事威令行四海天下無不歸往而率  
服然後為天子夫天地者萬物父母諸侯者一國父  
母天子者萬國父母人之至尊無與為比惟父事天  
母事地故曰天子伏羲之前為天子者其有無不可  
知也如天皇地皇人皇有巢燧人之類雖於傳記有  
之語多迂怪事不經見臣不敢引獨據周易自伏羲  
以來風姓姓者人之所自生也以木德繼天而王都宛丘今陳州  
也仰則觀象於天俯則觀法於地於是始作八卦

吳太

之時有龍負圖出於河太昊法而象以通神明之德  
之始畫八卦曰乾坤震巽坎離艮兌  
神明謂造化也乾為天坤為地震為雷巽為風坎為  
水離為火艮為山兌為澤造化萬物皆由此八者而

生成通導也作八卦以通以順萬物之情乾健也坤

導造物之德使人知之也也巽入也坎陷也離麗也艮止也作結繩而為網罟

以佃以漁

佃音田佃獵取禽獸也漁取魚也

上古之民處於草野未

知農桑但逐捕禽獸食其肉衣其皮禽獸飛走非人

所及制之甚難無以禦飢寒故太昊教之為罟網以

羅禽獸漉水物又教民養六畜馬牛羊豕犬雞無

逐捕之勞可以充庖且以為犧牲享神祇故號伏羲

氏亦號庖犧氏

神農氏

炎帝神農氏姜姓繼伏羲以火德王天下是時民益多禽獸益少炎帝乃教民播種百穀斲木為耜揉木為耒春耕夏耘秋穫冬藏民食以充故號神農氏炎帝以一人所為不足以自養必通功易事貿遷有無乃教民日中為市致天下之民聚天下之貨交易而退各得其所

有熊氏

黃帝有熊氏姬姓曰軒轅有熊國君少典之子生而神

靈弱而能言幼而徇齊

徇疾齊速也

長而敦敏成而聰明

炎帝既沒子孫德衰蚩尤始作亂延及于平民罔不

寇賊姦宄奪攘矯虔

羣行攻劫曰寇殺人不忌曰賊在外曰姦在內曰宄自來而取

曰攘矯詐虔殺也

黃帝乃治五兵以征之與蚩尤戰于涿鹿

之野禽而殺之

涿鹿涿州

諸侯皆去神農氏歸黃帝黃帝

與炎帝子孫戰于阪泉之野三戰然後得其志諸侯

咸尊黃帝為天子代神農氏黃帝以民生有欲衣食

雖備苟無禮義則強陵弱衆暴寡智欺愚勇苦怯於是始制軒冕垂衣裳貴有常尊賤有等威使上下有序各安其分而天下大治作舟楫以濟不通服牛乘馬引重致遠正名百物天下有不順者征之平者去之邑于涿鹿之阿遷徙往來未嘗寧居在位百年而崩年百一十歲有二十五子其得姓者十四人為十二姓姬酉祁已滕箴任荀僖姑儼依

姑其訖切  
僖呼緣切

金天氏



少昊金天氏已姓曰摯亦曰青陽黃帝之子繼黃帝以

金德王天下故號金天氏都曲阜

今兗州

### 高陽氏

顓頊高陽氏黃帝之孫也父曰昌意高陽氏以水德王

天下都濮陽靜淵而有謀疏通而知事養財以任地

履時以象天北至幽陵南暨交趾西蹈流沙東極蟠

木動靜之物小大之神

主山川神

日月所照莫不平服先

是帝王皆以天瑞為官師之名至高陽氏始為民師

而命以民事在位七十八年壽九十一歲

高辛氏

帝嚳高辛氏黃帝之曾孫玄囂之孫蟠極之子也都亳

今穀熟號南亳

普施利物不於其身聰以致遠明以察微順

天之義知民之急仁而威惠而信脩身而天下服其  
色郁郁其德嶷嶷其動也時其服也衷執中而徧天  
下日月所照風雨所至莫不從化在位七十年壽百  
有五歲



稽古錄卷一

欽定四庫全書

稽古錄卷二

宋 司馬光 撰

陶唐氏

帝堯祁姓曰放勳帝嚳之子初封於陶後改封唐故曰

陶唐氏年十六以唐侯升為天子都平陽今晉州堯欽

明文思

威儀表備謂之欽照臨四方謂之明  
經緯天地謂之文道德純備謂之思

允恭克

讓光被四表格于上下

允信克能光充格至也既有四德又信恭能讓故其名聞

充溢四外至  
于天地也

克明駿德以親九族

駿大也言堯能脩明其大德以睦上

自高祖下至玄孫等列旁支之  
親大學所謂身修然後家齊也

九族既睦平章百姓

百姓國人也言九族之外臣民之異姓者也皆  
化九族而平和章明所謂家齊然後國治也

百姓

昭明協和萬邦黎民於變時雍

昭亦明也協合黎衆時是雍和也言天下

衆民皆變化化上是以風俗  
大和所謂國治然後天下平

堯德廣運乃聖乃神乃

武乃文

廣謂所覆者大運謂所及者遠聖無不通神妙無方文經天地武定禍亂

稽于衆

捨己從人

稽考也雖聰明不獨斷自用必考察其仁從謀捨己所有從人所長所以為聖

其仁

如天其智如神就之如日

溫煥

望之如雲

能府廕天下

惟天

為大惟堯則之

則法也法天行化

蕩蕩乎民無能名焉

蕩蕩廣遠

之稱言其布德廣遠民無能識其名

巍巍乎其有成功

功成化隆高大巍巍

煥乎

其有文章

煥明也其立文垂制又著明

命羲和歷象日月星辰敬

授人時

重黎之後羲和氏世掌天地四時之官星五星辰日月所會十二次歷象其分節謹記

天時以授人也

允釐百工庶績咸熙

釐治工官庶衆績功咸熙治也言定四時成

歲歷以告時授事則能信治百官衆功皆廣

時洪水為災堯咨四岳

唐虞建百

官內有百揆四岳如今之宰輔百揆掌揆度百事四岳分掌四時及四岳諸侯之政

舉能者使

治之四岳舉鯀

古本切

堯知鯀頑嚚傲狠不可用

心不則德

義之經為頑口不道忠信之言為嚚

四岳固請試之堯屈已從之

所謂捨己

從人鯀治水九年功用弗成堯老有子丹朱不肖欲遜

位于四岳四岳辭以不德堯使明舉有明德之人搜

揚在側陋者衆乃曰有鰥在下曰虞舜

舜年三十未娶故曰鰥虞

今河中府虞鄉縣鵠水之汭舜所居也

帝曰俞予聞如何

俞然也然其所舉堯聞舜

而不用亦任天下之耳目不自任也

岳曰瞽子父頑母嚚象傲

舜父有目不能

分別善惡故時人謂之瞽瞍舜弟之字傲慢不友言皆惡

克諧以孝烝烝乂不

格姦

諧和烝進也言能以至孝和諧頑嚚昏傲使進於善道以至自治不至陷入於姦惡盛德之



至無惡不化

帝曰朕其試哉

舜至德升聞堯猶試之者將授以大任不得不重慎女

于時觀厥刑于二女

女妻刑法也堯於是二女妻舜觀其法度接二女以治家觀

治釐降二女于媯汭嬪于虞

降下媯婦也舜為匹夫能以義理下帝女之心

使行婦道于虞氏

帝曰欽哉

歎舜能脩己行敬以化帝女則其所能者大矣於是登

舜於朝歷試諸難

試以治民之難事

既有大功遂使攝行天

子事堯在位一百一十歲而崩百姓哀

慕如喪考妣舜封堯後於唐為虞賓

稽古錄卷二

欽定四庫全書

稽古錄卷三

宋 司馬光 撰

有虞氏上

帝舜有虞氏姚姓曰重華其先出於高陽氏祖曰橋牛

父曰瞽瞍舜濬哲文明溫恭允塞

濬深哲智也其父德信充塞上下

母弟頑嚚不友日以殺舜為事舜耕于歷山以失愛於父母日號泣于旻天不敢怨懟失子道負罪引慝

以事祇見瞽瞍夔夔齊栗

齊側皆切

瞽亦信而順之弟象

亦化之不至於大惡至德升聞堯既妻以女試之乃

命以位舜舉伯奮仲堪叔獻季仲伯虎仲熊叔豹季

狸八元

元善也

使布五教于四方

五教父義母慈兄友弟恭子孝亦曰五典

典常也

五典克從內平外成舉蒼舒隤

徒回切

敷

五開切

禱

桃音戲

音演大臨龐降庭堅仲容叔達八愷

愷和也

使揆百

事百揆時序地平天成流共工驩兜

都侯切

三苗鯀四

凶于四裔而天下咸服四門穆穆

穆穆美也諸侯來朝者皆有美德無

山人也陰陽和順烈風雷雨弗迷堯知舜功德大成欲

使陟帝位舜辭不受乃使舜攝行天子事代已巡守

朝四岳諸侯舜察璿音璇璣玉衡以齊日月五星之行

度以考正歷數二十有八載堯乃殂落舜服喪三年

畢始即天子位都蒲阪今河府明四目達四聰廣視聽於四方

使天下無壅塞命禹宅百揆宅居也居百揆之官棄為后稷播時百穀

播布也布種百穀契為司徒敷五教敷亦布也皋陶作士典五刑

惟明克允刑期于無刑雖或以殺止殺終無犯者刑期於無所刑垂拱

益作虞掌山澤草木鳥獸

取之有時用之有節

伯夷作秩宗典

三禮變典樂教胄子擊石拊石百獸率舞簫韶九成

鳳皇來儀

韶舜樂名儀有容儀

龍作納言出納惟允舜上循堯

道下任衆賢恭己南面無為而治舜好問而好察邇

言

淺近之言

隱惡而揚善

人言惡者隱而不彰善者宣揚而行之

執其兩端

用其中於民臨下以簡御衆以寬罰弗及嗣賞延于

世

延及也父子罪不相及而及其賞道德之政

宥過無大刑故無小

過誤所犯雖大

必宥不忌故犯雖小必刑

罪疑惟輕功疑惟重

刑疑附輕賞疑從重忠厚之至

與

其殺不辜寧失不經

經常也寧失不常之罪不枉不辜之善仁愛之道

君臣

常相儆戒於朝禹曰后克艱厥后臣克艱厥臣政乃

又

又治也能知為君難為臣不易則其政治

益曰任賢勿貳去邪勿疑

意一

任賢果於去惡

罔違道以干百姓之譽

干求也失道求名古人賤之

罔弗

音百姓以從己之欲

弗戾也專欲難成犯衆興禍故戒之

臯陶曰在知

人在安民禹曰知人則哲能官人安民則惠黎民懷

之此帝堯所難臯陶曰亦行有九德亦言其人有德

乃言其行事以驗之曰寬而栗

性寬大而栗能莊栗

柔而立

和柔

而能立事慤愿而恭恪愿而恭慤愿而恭恪亂而敬亂治也有治擾而毅擾而能謹敬

也致果直而溫直而溫行正直而氣溫和簡而廉性簡大而廉隅剛而塞

剛斷而塞實彊而義無所屈撓動必合義彰厥有常吉哉彰明吉善也其人行

此德有常不變至於彰著此真吉士可用哉三德有家九德之中有其三可以為卿大夫

六德有邦可以為諸侯翕受敷施九德咸事俊乂在官翕合

也能合受三六之德而用之以布施政教使九德之人皆用事謂天子如此則俊德治能之士並在官

兢兢業業一日二日萬幾兢兢業業危懼幾者動之微吉凶之先見者也

王者戒懼於事微小之時制治於未亂保邦於未危則易為力已亂已危則難為功一日二日之間幾微



之事至有萬無曠庶官天工人其代之曠空也位非其人為空官

言百官代天理物不天聰明自我民聰明自用也言天因民而

降之福民所歸者天命之天視聽人君之行用民為聰明天明畏自我民明威天

可畏亦用民成其威民所叛帝曰臣作朕股肱耳目者天討之是天明可畏之效

言大體予違汝弼汝無面從退有後言我違道汝當若身以義輔正我

無得面從我違而禹曰萬邦黎獻共惟帝臣惟帝時退有言我不可弼

舉敷納以言明試以功車服以庸獻賢也萬國衆賢共為帝臣帝宜以

時舉其秀者先使布納其為治之言察其是非能言者未必能行故又宜試之以事以明辨衆言之虛實

必待其功効顯著然後  
賜之車服爵命而用之

稽古錄卷三

欽定四庫全書

稽古錄卷四

宋 司馬光 撰

有虞氏下

帝作歌曰股肱喜哉元首起哉百工熙哉

元首君也股肱之臣

喜樂盡忠君之治功乃起百官之業乃廣言君得良臣乃能致治

皋陶賡之曰元首

明哉股肱良哉庶事康哉

賡續也言人君選任之明則股肱大臣無不忠良大

臣忠良則天下衆事無不安者言治安之本在君明

又歌曰元首叢脞哉股肱

情哉萬事墮哉

業勝細碎無大畧明主好要闇主好詳主好要則百事詳主好詳則百事

荒君既不知治要躬親細務則大臣無所事事皆解體不為用萬事非一人可治故皆墮壞

舜老

有子商均亦不肖不足傳天下乃命禹攝行天子事

舜命禹征有苗三旬苗民逆命益贊于禹曰惟德動

天無遠弗届

贊佐届至也益以此義佐禹欲其修德致遠

滿招損謙受益

時乃天道

自滿者人損之自謙者人益之是天之常道

至誠感神矧茲有

苗

誠和也矧况也至和感神况有苗乎言易感

禹拜昌言曰兪班師振旅

昌當也以益言為當故拜受而然之遂還師兵入曰班振言整衆

帝乃誕敷文德

遠人

不服大布文德以來之

舞干羽于兩階

干楯羽翳也皆舞者所執脩闡文教舞文舞于

賓主階間抑武事

七旬有苗格

討而不服不討自來明御之者必有道

舜生三

十徵庸

始見試用

三十在位

歷試二年攝位二十八年

五十載而崩

舜服

堯喪三年其一在五十之數故為天子五十年

壽百一十二歲禹封舜後於

虞而客之及周武王克商封舜後胡公於陳賜姓媯

氏孔子曰後世雖有作者虞帝弗可及也已矣

夏后氏上

夏后姁姓曰文命高陽之孫鯀之子也堯命鯀治水功

不成舜臣堯殛鯀于羽山舉禹使代父治水

廢父興子堯舜

道天乃錫禹洪範九疇

洪大範法疇類也洛出書神龜負文而出列于背有數至

于九禹因而第之以成九類一五行二五事三八政四五紀五皇極六三德七稽疑八庶徵九五福六極

禹治水順五行之性循天地之理不墮山不崇數壅

者決之滯者導之行水於其所無事故功易成禹治

水勤勞陸行乘車水行乘舟泥行乘橈

子絕切形如箕橈行泥上

山行乘楫

紀錄切以鐵如錐頭長半寸施之履下以上山不蹉跌也

娶塗山氏女

歷辛壬癸甲四日復往治水塗山氏女生子啓禹過

門聞啓呱呱

音孤

而泣不入視之時下民昏墊

丁念切昏墊

陷言困

艱食

難得食

禹隨山刊木

隨行山林斬木通道

與益得禽

水災

獸佐民食決九川距四海濬畎澮距川

距至也決九州名川通之

至海一畝之間廣尺深尺曰畝方百里之間廣二尋深二仞曰澮澮畎濬之至川亦入海

平田無

水與稷教民播種百穀濬川得魚鼈佐民食

濬深其流烝

民乃粒萬邦作乂

米食曰粒言天下由此為治本

禹分天下為冀兗

青徐揚荊豫梁雍九州任土作貢

任其土地所有定其貢賦之差九

州攸同四隩既宅

四方之宅已可居

九山刊旅九川滌源九

澤既陂

九州名山已槎木通道而旅祭矣九州之川已滌除泉源無壅塞矣九州之澤已陂障無

決溢

四海會同

四海之內會同京師九州同風萬國共貫

庶土交正底慎

財賦

交俱也衆土俱得其正謂壤墳壚致所慎者財貨貢賦言取之有節用之有度

咸則三

壤成賦中邦

皆法壤田上中下大較三品成九州之賦明水害又除

以天下近

遠分甸侯綏要荒五服辨諸侯職守東漸于海西被

于流沙朔南暨聲教

漸入也被及也此言五服之外皆與王者聲教而朝見

訖

于四海堯乃錫禹玄圭告厥成功

稽古錄卷四



欽定四庫全書

稽古錄卷五

宋 司馬光 撰

夏后氏下

舜受禪使禹宅百揆舜老以位傳禹曰朕居帝位三

十有三載耄期倦于勤汝惟不怠總朕師

師衆也八十

耄百年曰期頤年已耄老厭倦萬幾禹辭帝曰克勤

汝不懈怠于位稱總我衆欲使攝

于邦克儉于家不自滿假惟汝賢

滿謂盈實假大也言禹惡衣菲食卑

其宮室而盡力為民  
執心謙沖不自盈大

汝惟不矜天下莫與汝爭能汝

惟不伐天下莫與汝爭功

自賢曰矜自功曰伐言禹  
推善讓人而不失其能不

有其勞而不失其  
功所以能絕衆人

天之歷數在汝躬汝終陟元后

陟升

也元大也人心惟危道心惟微惟精惟一允執厥中

危則難安微則難明精所以明其難明一所  
以安其難安然道之大要莫若信執其中

無稽之

言勿聽弗詢之謀勿庸

無考無信驗不詢專獨  
終必無成故戒勿聽用

可愛

非君可畏非民衆非元后何戴后非衆罔與守邦

以民

君為命故可愛君失道民叛之故可畏言  
衆戴君以自存君恃衆以守國相須而立

禹拜稽首

固辭帝曰母惟汝諧

母禁止辭惟汝能諧和元后之任

禹乃受命攝

行天子事如舜之初舜崩禹三年喪畢即天子位會

諸侯於塗山執玉帛者萬國又會諸侯於會稽長狄

防風氏後至禹戮之禹命遠方圖物

圖畫山川奇異之物而獻之

貢金九牧

使九州之牧貢金

鑄鼎象其州之物

象所圖物著之於鼎百

物而為之備使民知神姦

圖鬼神百物之形使人逆備之

故民入川

澤山林不逢不若

若順也

魑魅魍魎

魑山神獸形魑怪物魍魎水神

莫

能逢之禹崩壽百年孔子曰禹吾無間然矣堯之崩

也天下諸侯不歸丹朱而歸舜舜之崩也天下諸侯不歸商均而歸禹禹崩子啓賢天下諸侯皆曰吾君帝禹之子也相帥歸之○啓乃即天子位有扈逆命

扈今京兆鄠縣

啓征扈滅之享諸侯於釣臺

陽翟縣南有釣臺陂

啓崩

子太康立○王太康尸位

尸主也

以逸豫滅厥德黎民

咸貳乃盤遊無度畋于有洛之表十旬弗反有窮后

羿

窮國之君

因民弗忍王之惡拒于河王不得入國遂廢

之立其弟仲康而相之夏室微弱○王仲康崩子相

欽定四庫全書

稽古錄卷六

宋 司馬光 撰

殷上

亦號商又封商湯居殷而受命故二號

殷湯子姓曰履其先出於高辛氏帝嚳生契契為舜司

徒封於商

商在大華之陽今商州

契生昭明昭明生相土相土

居商丘

今應天府

相土生昌若昌若生曹圉曹圉生冥冥

生振振生微微生報丁報丁生報乙報乙生報丙報

丙生壬壬壬生壬癸壬癸生壬乙世為諸侯天乙

是為成湯自契至成湯八遷湯始居亳從帝嚳居湯

不過聲色不殖貨利

言清近也殖生也言清潔不貪

德懋懋官功懋

懋賞用人惟已改過不吝

勉於德者則勉之以官勉於功者則勉之以賞用人

之言若自己出有過則改無所吝惜所以能成王業

居上克明

言理恕

為下克忠

事上竭誠

與人不求備檢身若不及

使人必器之常如不及恐有過

為夏方

伯葛伯不祀奪餉者黍肉湯始征之歸市者不止耕

者不變誅其君而恤其民自是東征西夷怨南征北

狄怨

西夷北狄舉遠以言則近者著矣

曰奚獨後予攸徂之民室家

相慶曰奚予后后來其蘇

湯所往之民皆喜曰伊尹待我君來其可蘇息

伊尹

有元聖之德耕於有莘之野以樂堯舜之道湯使人

以幣聘之使三返然後至湯任之以政伊尹以為桀

雖無道君也湯雖有聖德臣也不可捨君而輔臣乃

去亳適夏既而知桀不可輔復歸于亳乃與湯謀伐

桀勝之放桀於南巢諸侯推湯為天子湯以堯舜皆

以揖讓傳天下已獨以干戈得之有慙德仲虺乃為

之作誥言天錫湯勇智表正萬邦夏桀昏德民墜塗

炭

若陷泥墜大無救之者

非德言所能諫

德言道德善言

不可不伐之

意湯改紀夏政代虐以寬又自誥諸侯曰爾有善朕

弗敢蔽罪當朕躬弗敢自赦惟簡在上帝之心

所以不蔽

善人不赦已罪以其簡在天心故

其爾萬方有罪在予一人

自責化不至

予一人有罪無以爾萬方

無以爾萬方言非所及

諸侯由是歸

之湯為天子十三年而崩太子太丁未立而卒立太

丁之子太甲○王太甲既立不明欲敗度縱敗禮伊



尹屢諫不聽恐王習不義遂成性欲困苦以革其心  
乃放王于桐宮伊尹攝行天子事王於是悔過遷善  
三年伊尹復奉王歸于亳復王位還其政太甲不怨  
而德之伊尹申戒于王曰有言逆于汝心必求諸道  
人以言拂違汝心必以道義求其意勿拒逆之有言遜于汝志必求諸非道  
避順也言順汝心必以非道察之勿以自賊太甲由是能保惠于庶民克

終湯業享國三十三年崩號祖甲子沃丁立○王沃  
丁崩弟太庚立○王太庚崩子小甲立○王小甲崩

弟雍已立○王雍已崩弟太戊立○王太戊時伊尹

之子陟為相巫咸佐之亳有祥桑穀共生于朝一暮

大拱

祥妖怪也兩手搯之曰拱

太戊懼伊陟曰妖不勝德太戊從

之桑穀枯死太戊治民祇懼不敢荒寧殷復興享國

七十五年崩號中宗子仲丁立○王仲丁遷于囂仲

丁崩弟外壬立○王外壬崩弟河亶甲立○王河亶

甲時居相殷復衰河亶甲崩子祖乙立○王祖乙時

相為水所毀遷于耿祖乙崩子祖辛立○王祖辛崩

弟沃甲立○王沃甲崩祖辛之子祖丁立○王祖丁  
崩沃甲之子南庚立○王南庚崩祖丁之子陽甲立  
○王陽甲崩弟盤庚立○王盤庚時復避水災南涉  
河遷于亳從湯居行湯政殷復興盤庚崩弟小辛立  
○王小辛時殷復衰小辛崩弟小乙立○王小乙崩  
子武丁立

稽古錄卷六

欽定四庫全書

稽古錄卷七

宋 司馬光 撰

殷下

王武丁思復興殷道亮陰三年不言羣臣咸諫王曰予

恭默思道夢帝賚予良弼

夢天與我良佐

乃以形求于天下

傳說築傅巖之野惟肖

傅巖在今陝州平陸界傳說賢而隱代胥靡刑人築此道

以供食肖似也

王召與語果聖人也爰立作相置諸左右曰

啓乃心沃朕心若藥弗瞑眩厥疾弗瘳

開汝心以沃我心如服藥

必瞑眩極其病乃除欲其出切言以自警

若跣弗視地厥足用傷

跣必視地足乃

無傷言欲使為已視聽

說曰天立后王君公承以大夫師長不

惟逸豫惟以亂民

不使有位者逸豫民上言立之王使治民

又曰惟治亂

在庶官

言所官得人則治失人則亂

又曰無恥過作非

恥過誤而文之遂成

大又曰非知之艱行之惟艱王曰若作酒醴爾惟麴

蘖若作和羹爾惟鹽梅

釀酒者麴過太苦蘖過太甘調羹者鹽過太鹹梅過太酸

必求和適為難良相治國懲勸寬猛凡區處施設爾若大酋之釀酒膳夫之調羹曲盡其宜乃為善

交修予罔予棄予惟克邁乃訓

交非一之義邁行說也言我能行政教

曰王人惟學于古訓乃有獲

有所得

道積于厥躬王曰

股肱惟人良臣惟聖

手足具乃成人有良臣乃成聖

惟后非賢不乂

惟賢非后不食

言君須賢治賢須君食

高宗祭成湯有飛雉升

鼎耳而雉

古后切鳴也

祖已曰惟先格王正厥事

言至道之王遭

變異正事而異自消

高宗從之不敢荒寧嘉靖殷邦至于小大

無時或怨

善謀殷國至于小大之故人無是有怨者言無非

享國五十九年

崩號高宗祖庚立○王祖庚崩弟甲立○王甲時殷

復衰甲崩子廩辛立○王廩辛崩弟庚丁立○王庚

丁崩子武乙立○王武乙復去亳徙河北王武乙崩

子太丁立○王太丁崩子乙立○王乙崩子受德立

○受德一曰辛是為紂王紂王都朝歌資辯捷疾聞

見甚敏材力過人智足以拒諫言足以飾非矜人以

能以為皆出已下播棄黎老昵比罪人

播棄不禮敬昵近也為

天下逋逃主萃淵藪平居弗祀上帝神祇宗廟恃其

强大喜用兵百戰皆克伐有蘇得其女妲己惟妲己



之言是用作奇技淫巧以悅之淫酒肆虐作炮烙之

法膏銅柱下加之炭令有罪者行焉輒墮炭中以取

妲已笑剗

庫胡切

剔

天易切

孕婦斲

側角切

朝涉之脛

冬月見朝

涉水者謂其脛耐寒斬而視之

醢九侯脯鄂侯囚西伯於羑里

羑音酉

久乃赦之既而西伯戡黎

近王圻之諸侯戡勝也

祖伊恐奔告

于王王曰嗚呼我生不有命在天祖伊反曰嗚呼乃

罪多參在上乃能責命于天

反報紂也言汝罪惡衆多參列在上天誅且至

乃恃命紂終不悛比干強諫紂怒曰吾聞聖人之心

有竅剖比干心箕子懼乃佯狂為奴紂又囚之微子  
恐殷絕祀遂奔周紂專任嬖臣飛廉惡來知政事於  
是周武王伐紂殷之士女皆篚其幣帛迎周師紂率  
其衆如林會戰于牧野紂卒皆不戰前徒倒戈攻于  
後以北紂走登鹿臺自焚死周遂滅殷自成湯受命  
至是凡六百二十九年

稽古錄卷七

欽定四庫全書

稽古錄卷八

宋 司馬光 撰

周上

周文王姬姓曰昌其先亦出於高辛氏帝嚳生弃佐禹  
播時百穀堯封之邠

地來切

舜命為后稷后稷薨子不

窋立

窋行律切

夏后政衰棄稷不務不窋用失其官自竄

於戎狄之間不窋生鞠鞠生公劉能修后稷之業務耕

種行地宜行者有資居者有積民賴其慶多徙而歸保

馬故詩人歌樂思其德公劉生慶節國於豳

豳與邠同  
今邠州

慶節生皇僕皇僕生差弗差弗生毀隄

音俞

毀隄生公

非公非生高圉高圉生亞圉亞圉生公叔祖類公叔

祖類生古公亶父古公亶父是為太王復修后稷公

劉之業積德行義國人皆戴之狄人攻之事之以皮

幣犬馬珠玉皆不得免乃屬其耆老而告之曰狄人

之所欲者吾土地也吾聞有民立君將以利之君子不

以其所養人者害人民之在我與其在彼何異民欲  
以我故殺人父子而君之吾不忍也二三子何患乎  
無君我將去之乃與私屬去邠踰梁山邑于岐山之  
下居焉故號曰周幽人曰仁君不可失也從之者如  
歸市旁國民亦多歸之古公乃貶戎狄之俗營築城  
郭室屋而邑別居之分別而為邑治也民歌樂之肇基王迹  
古公長子太伯次仲雍次季歷生昌昌有聖德在傳  
弗勤處師弗煩不聞亦式不諫亦入道義雖所未樂率意行之冥合

於法式過失不待人諫  
言已先入皆言其生知

古公知其必興周家欲立季

厯以傳昌太伯仲雍知其指自竄於句

古侯切

吳以讓

季厯太伯猶服端委

端委玄端委貌周之禮服

仲雍遂從夷俗斷

髮文身以示不可用古公薨季厯立是為王季王篤

於行義諸侯順之王季薨昌立是為文王都豐文王

徽柔懿恭懷保小民

以美道和民故民懷之以美政恭民故民安之

發政施

仁必以鰥寡孤獨為先

老而無妻曰鰥老而無夫曰寡老而無子曰獨幼而無父

曰孤此四者天下之窮民而無告者

自朝至于日中昃不遑暇食用咸

和萬民

從朝至日昧不暇食思慮政事用皆和萬民

文王為殷西伯

古之王者

擇諸侯之賢者分掌天下諸侯文王為西伯掌西方諸侯

于時西有昆夷之患北

有玁狁之難

玁音險狁音允

文王以天子之命命將帥遣成

役以守衛中國遠近之人皆畏而愛之則而象之諸

侯大邦畏其力小邦懷其德虞芮之君相與爭田久而

不平欲質於西伯乃相與朝周入其境則耕者讓畔

行者讓路入其朝士讓為大夫大夫讓為卿二國之

君慙而相謂曰我等小人豈可以履君子之庭乃相

讓以其所爭田為閒田而退天下聞之而歸周者四十餘國時紂方無道諸侯多去紂歸文王紂怒囚文王於羑里七年諸侯皆從之囚紂於是懼而歸之文王乃整兵以誅諸侯之不道者伐崇伐密伐阮伐共伐黎皆勝之文王為諸侯四十二年更稱元年三分天下有其二以服事殷九年崩壽九十七太子發立是為武王○武王三年喪畢十一年觀兵孟津諸侯不期而會者八百餘人皆曰紂可伐武王曰未可退



而增德及紂殺比干囚箕子十三年武王帥諸侯復伐

紂與紂戰于牧野克之遂滅紂一戎衣天下大定乃反

商政政由舊

用商先王善政

釋箕子囚封比干墓式商容閭

封益其土商容賢人紂所貶退式其閭巷以禮賢在車上憑軾小僂曰式

散鹿臺之財發

鉅橋之粟

紂所積之府倉皆散發以賑貧民

大賚于四海而萬姓悅

服

施舍已責救乏賙無所謂周有大賚天下皆悅仁服德

王還至豐乃偃武修

文載戢干戈載橐弓矢

戢聚橐韜也音高

歸馬于華山之陽

放牛于桃林之野示天下弗服

示天下不復乘用

興滅國繼

絕世舉逸民垂拱而天下治徙都鎬

戶老

封紂子武

庚祿父於殷以守湯祀命王弟管叔霍叔蔡叔監之

又封姬姓之國五十三通道于九夷八蠻西旅貢獒

西方遠國貢犬犬高四尺曰獒音敖

太保召公作書戒王以慎終曰明

王慎德四夷咸賓

皆賓服

不役耳目百度惟貞

言不以聲色自

役則百度正

玩人喪德玩物喪志

以人為戲弄則喪其德以器物為戲弄則喪其

志

不作無益害有益功乃成不貴異物賤用物民乃

足

游觀為無益奇巧為異物言明王之道以德義為益器用為貴所以化俗生民

犬馬非其

土性不畜

非此土所生不畜以不習其用

珍禽奇獸不育于國

皆非所用

有損害政

不寶遠物則遠人格

不侵奪其利則來服矣

所寶惟賢則

邇人安又曰為山九仞功虧一簣

音匱八尺曰仞喻向成也未成一簣

猶不為山是以聖人乾乾日昃慎終如始

武王即位四年克商克商七年

而崩壽九十三成王誦立○成王年十三周公為冢

宰攝行天子事管叔蔡叔霍叔乃流言於國曰公將

不利於孺子遂奉武庚祿父淮夷作亂周公帥師東

征居東二年罪人斯得殺武庚祿父及管叔囚蔡叔

于郭鄰降霍叔于庶人滅淮夷三年而歸卜宅洛邑

為王城使四方入貢道里均又作下都於瀍水東

瀍水東

延命曰遷殷頑民教治之然天子猶往來常居鎬京

曰宗周夏德既衰戎狄內侵九州之地寢滅周公復

唐虞之舊域斥大九州之境王畿之外分五服為侯

甸男采衛蠻夷鎮蕃九畿周公攝政凡七年制禮作

樂致太平乃復政成王而告老王曰公無困我哉留

周公為太師與召公共輔王室周公作無逸以戒成

王曰君子所其無逸

君子之道所在念德無有逸豫

先知稼穡之艱

難乃逸則知小人之依

稼穡農夫之艱難事先知之乃謀逸豫則知小人之所依

怙

又作立政曰拜手稽首告嗣天子王矣

言不可不慎宅

乃事宅乃牧宅乃準茲惟后矣

宅居也居汝事謂六卿掌事者牧牧民之

官謂九州之長準平法者謂士官皆得其人則此惟后矣言立政在官人

文王武王克知

三有宅心灼見三有俊心

文武能知擇人居此事牧準三官之心又能灼然見

俊德之人可以任此三官者之心所以能立政灼明見

左右攜僕百司庶府

雖左

右攜持器物之僕及百官有司主券契藏吏亦皆擇人

文王惟克厥宅心乃克

司牧人以克俊有德

文王惟其能居心務大略細守本遺末乃能司牧人用能俊有

德者

文王罔攸兼于庶言庶獄庶慎惟有司之牧夫

文王

無所兼知於毀譽衆言及衆刑獄衆所當慎之事惟慎擇有司牧夫而已勞于求才逸於任賢是訓

用違庶獄庶慎文王罔敢知于茲

是萬民順法用違法衆獄衆慎之事

文王一無敢自知於此委任賢能而已

又作周官命太宰司徒宗伯司

馬司寇司空六卿各帥其屬分掌天下之務成王即

政三十年崩子康王釗立

釗之送切

○康王修文武成王

之業四海治安成康之世刑措不用者四十餘年康

王崩子昭王瑕立○昭王時王道微缺昭王南征濟

漢沈沒不復周人諱之不赴告子穆王滿立○穆王

將征犬戎祭

側介切

公謀父曰先王耀德不觀兵夫兵

戢而時動動則威觀則玩玩則無震

震懼也

故先王有

威讓之令有文告之辭布令陳辭而又不至則增修

於德而無勤民於遠王不聽得四白狼四白鹿以歸

自是荒服者不至穆王肆其心

肆極也

周行天下將皆

必有車轍馬跡焉祭公謀父作詩以止王心曰思我

王度式如玉式如金

金玉取其堅重

形民之力而無醉飽之

心

言國之用民當隨其力任如金冶之器隨器而制形故言形民之力去其醉飽過盈之心

王為

之少息在位五十五年崩子共王緊扈立

稽古錄卷八



欽定四庫全書

稽古錄卷九

宋 司馬光 撰

周下

共王崩子懿王囂立

囂居閼切

懿王崩共王弟孝王辟方

立○孝王崩復立懿王太子夷王燮○夷王時王室

卑下堂而見諸侯夷王崩子厲王胡立○厲王淫昏

無道召穆公作詩刺之不敢斥言借商紂以言之曰

殷鑒不遠在夏后之世榮夷公好專利有寵於王芮  
良夫諫曰夫利百物之所生也天地之所載也而或  
專之其害多矣天地百物皆將取焉所怒甚多胡可  
專也王人者將以導利而布之上下者也匹夫專利  
猶謂之盜王而行之其歸鮮矣王不聽國人謗王王  
怒得衛巫使監謗者監察也王以為巫有神靈有謗必知之以告則殺  
之國人莫敢言道路以目王喜告召公曰吾能弭謗  
矣召公曰防民之口甚於防川壅而潰傷人必多

王不聽後三年民不堪命作亂流王于彘太子靖匿於召公之家召公以其子代之乃得免大臣共和行政自是以後年始可譜

### 共和之初諸侯所自出

魯

周公旦姬姓周文王之子武王之弟佐文武克商定天下食采於周武王崩成王幼周公

攝行天子事七年致太平復政成王成王命周公子伯禽就封於魯都曲阜留周公自輔

為太師周公薨於豐魯公伯禽後七君至慎公澤○曲阜今兗州

齊

太公望姜姓其先出於神農氏堯時嘗為四岳封於呂太公事周為文武師佐武王滅商

號尚父封於齊都營丘太公留鎬京與周公  
夾輔成王後五世至胡公靜徙都薄姑胡公  
弟獻公山徙都臨淄獻公薨子武公壽立○  
營丘在今青州界薄姑在棗州界臨淄在青  
州界

晉

唐叔虞姬姓周武王之子成王之弟成王封  
叔虞於唐在河汾之東叔虞子燮為晉侯又  
四世至靖  
侯宜臼

秦

仲嬴姓其先出於高陽氏至伯益佐禹治水  
為舜虞其後裔有飛廉飛廉生惡來革皆以  
材力事紂與紂俱死飛廉玄孫曰造父以御  
得幸於周穆王封於趙城為趙氏惡來革五  
世孫非子為周孝王主馬于汧渭之間馬大  
蕃息孝王邑之秦曰秦嬴秦嬴生公伯公伯

生秦仲秦仲始  
大○秦今秦州

楚

羊姓其先出於高陽氏有子曰黎為高辛氏  
大正有功德號祝融黎死弟吳回代為祝融

其後子孫蕃衍為八姓夏商之際為顯諸侯  
已姓昆吾董姓秦龍彭姓彭祖承韋禿姓舟  
人姁姓鄆鄆偁陽曹姓鄆莒斟姓無後吳回  
之孫曰季連為羊姓楚之祖也世居蠻荆為  
君長其苗裔曰鬻熊事周文王鬻熊曾孫熊  
繹事成王封為楚子熊繹後八君至熊勇○  
羊音

宋

微子啓殷帝乙之子紂之庶兄周公既誅武  
庚祿父以微子代殷後封於宋世為周客微

子薨弟衍立號微仲微仲後六  
君至僖公舉○宋今應天府

衛

康叔封姬姓周公之弟也周公既伐管叔蔡叔以殷餘民封康叔於衛康叔後八世至僖

侯○衛

今衛州

陳

胡公滿帝舜之後周武王克殷以元女太姬妻胡公而封諸陳賜姓姬氏後五世至幽公

寧○陳

今陳州

蔡

叔度周公之弟也流言譏周公周公復封諸蔡蔡仲後鄰其子胡率德改行周公復封諸蔡蔡仲後

世至武侯○

蔡今蔡州

曹

叔振鐸周文王之子武王封於曹後五世至夷伯喜○曹今曹州

稽古錄卷九

# 欽定四庫全書

史部

稽古錄卷十三

詳校官修撰臣錢 榮

刑部郎中臣許兆椿覆勘

總校官原任中允臣王燕緒

校對官中書臣王鍾泰

謄錄貢生臣蕭椅年

欽定四庫全書

稽古錄卷十

宋 司馬光 撰

○庚申 共和元年

魯慎公湫七齊武公壽十晉靖侯宜白十八年秦仲楚熊勇七宋僖公舉十八

衛僖侯陳幽公寧十四蔡武侯二十三曹夷伯喜二十四○共和和行周政厲王太子靖居于召公虎之

家

二 晉僖侯 司徒元

三

四 楚熊勇薨 弟熊嚴立

○

甲子 五 楚熊嚴薨 蔡夷侯元

六

○七

曹夷伯薨 弟疆立

八

曹幽伯

九

○十

○十一

陳僖公

孝元

十

二

宋惠公 元

十三

○十四

厲王死周公召公舉太子靖而立之共和罷先是厲王無



道天下蕩蕩無網紀文章百姓離散四夷交侵宣王即位側身修行勞來安集其民至於鰥寡靡不得所錫命諸侯會之蒐狩天下喜於王化復行詩人美之焉

○甲戌宣王靖

元年

楚熊元

曹幽伯薨

三

曹戴伯

四齊厲

忌五○六

晉獻侯籍元○荆子熊霜薨

三弟爭立仲

雪死叔熊逃難于濮國人立季紂○西戎

殺秦仲王召秦仲子莊公資之兵使伐西戎破之遂賜以大駟大丘之田

七秦莊公楚八

○九○十

魯慎公薨

○甲

十一

魯武公

十二魯武公

與戲見王王立戲為太子樊仲山甫諫曰不順必犯犯必誅是自誅王命也誅亦失不誅亦失王不聽魯

侯歸而薨太子戲立○齊厲公暴十三魯懿公戲齊虐國人弑之太子赤立誅弑君者十三魯懿公戲齊

十四○十五

衛僖侯薨太子共伯早死立其弟和是為武公武公復修康叔之政百姓和集

詩人美之十六

衛武公和元

十七

晉穆侯費生元十八○十九

蔡僖侯所事元

二十○

甲午二十一○二十二

魯侯伯御鄭桓公友元○王封弟友于鄭魯人

弑懿公立括之子伯御

二十三○二十四○二十五

齊成公二說元

十六○二十七○二十八

宋哀公元

二十九

楚熊鄂宋戴公元三十

十一○

甲辰

三十一○三十二

王伐魯殺伯御立懿公之弟攝諸侯從是而不睦

三十三

陳武公靈曹惠伯雄魯孝公稱元

三十四

齊莊公購元

三十五○

三十六○三十七○三十八

楚若儀元

三十九

戰于千畝王師

敗績于姜氏之戎王乃料民于太原樊穆仲諫曰古者不料民而知其多少若立其官使之時修其職則少多生死出入往來皆可  
四十○甲寅四十一○四十知也又何料焉王不聽

二○四十三○四十四晉殤叔元四十五○四十六王崩

慎徽接下用賢使能羣臣無不自盡以奉其上內脩政事外攘夷狄命尹吉甫北伐獫狁方叔南征蠻荆

復文武之境土周室中興焉

幽王

官元年

王沈湎淫佚讒諂並進賦役煩重百姓怨怒不以禮信待諸侯賞罰不當諸侯怨叛

二

晉文侯仇陳夷公說元○涇渭三王娶申女以為洛陽岐山崩伯陽父知周將亡后生太子宜臼

又得褒姒嬖之生子伯服乃廢申后放太子于申以褒姒為后伯服為太子褒姒驕縱王惑之詩人知其

必亡刺之曰燎之方揚寧或  
滅之赫赫宗周褒姒滅之  
四 陳夷公薨 ○ 甲子五 秦

公陳平 六 ○ 七 ○ 八 鄭桓公為司徒用史伯之言九  
公變元 知周將弊寄帑於虢鄆之間九

王室 十 ○ 十一 下申侯與西戎攻周殺幽王於驪山之  
始騷 王東徙洛邑以避狄難自是周室微弱政令

不行諸侯交爭更相併吞而齊楚秦晉始大

平王 宜元 鄭武公元 ○ 虢鄆叛鄭武二 ○ 三 魯惠  
公擊之取其十邑因徙居之 公弗

元 甲戌 四 ○ 五 ○ 六 秦文公宋武 七 ○ 八 楚霄教九  
元 戊 公司空元 坎元

○ 十 蔡共侯 十一 曹惠伯薨子石甫 十二 蔡戴公曹  
興元 立弟武殺而代之 穆公武元

十三 ○ 甲申 十四 楚蚡冒駒衛 十五 曹桓公 十六 ○ 十  
莊公楊元 終生元

七陳文公十八十九二十二十一秦文公大敗  
我師收周餘

民有之北至岐二十二蔡宣侯二十三甲午二十四宣  
岐以東歸之王

公力二十五二十六晉昭侯伯曲沃桓叔成師元  
晉始亂封文侯弟成師於曲沃

師服曰國家之立也本大而末小是以能固今晉甸侯  
也而建國本既弱矣其能久乎於是沃威強昭侯微弱

國人將叛而歸沃詩人二十七陳桓公二十八鄭莊公  
為之賦揚之水及椒聊鮑元

○鄭莊公之弟段有寵於母武姜使居京祭仲曰都城  
過百雉國之害也不如早為之所無使滋蔓公曰多行

不義必自斃子姑待之段多材而好二十九三十荆  
勇不義而得衆莊公不禁詩人刺之

蚡冒斃弟熊通殺三十一楚武王三十二晉孝侯平元  
蚡冒之子而自立通元晉潘父弑

昭侯而納曲沃桓叔不克晉人立其子孝侯

三十三

甲辰

三十四○三十五

○三十六

衛莊公娶於齊曰莊姜賢而不答嬖妻上僭夫人失位詩人為之賦碩人及綠衣嬖人之

子州吁有寵而好兵公弗禁石碚諫曰臣聞愛子教之以義方弗納於邪去順効逆所以速禍也弗聽是歲莊

公薨太子完立焉

三十七

衛桓公完元

三十八

○三十九

○四十

○

四十一

齊僖公祿父曲沃莊伯鮮元

四十二

宋宣公薨舍其子與夷而立弟和

四十

三

宋穆公和元

○甲寅

四十四

○四十五

○四十六

○四十七

○

曲沃伯伐翼武孝侯

四十八

晉郭侯卻元○魯惠公薨太子允幼長庶子息姑攝

位

四十九

魯隱公息姑元○夏鄭太叔段將襲鄭武姜將啓之莊公使公子呂伐京太叔出奔共春

秋書鄭伯克段于鄆譏失教也

五十〇五十一

夏鄭祭足帥師取溫之麥秋又取成周之

禾〇宋穆公疾召大司馬孔父而屬殤公

焉使其子馮出居于鄭穆公薨殤公立

桓王元年

宋殤公與夷元〇春衛公子州吁弑桓公而立州吁用兵暴亂與宋陳蔡共伐鄭欲

以和其民衆仲曰和民以德不聞以亂兵弗戢將自焚秋石碣使陳人殺州吁召桓公弟晉于邢而立之

二衛宣公晉元〇春曲沃莊伯伐翼王使尹氏助之鄂侯奔隨曲沃叛王秋王命虢公伐曲沃而立哀

侯于翼哀侯甲子三晉哀侯光元〇夏鄭伯侵陳大鄂侯之子也子三獲往歲鄭伯請成于陳陳侯弗

許五父諫曰親仁善鄰國之寶也不聽〇冬鄭伯朝王王不禮焉周桓公曰善鄭以勸來者猶懼不至况

不禮焉鄭四冬凡伯聘於魯戎伐之於楚丘以歸〇不來矣秦文公薨太子早卒立太子之子寧公

五 秦寧公曲沃武公稱元○春魯鄭六 蔡桓侯七 齊

侯魯侯鄭伯伐宋鄭伯八 秋齊侯魯侯鄭伯滅許齊

取郕及防皆歸于魯 魯以許讓鄭鄭伯受而不

敢有以與許叔君子以為有禮○息侯伐鄭大敗而

還君子知息之將亡以其不度德量力○冬魯公子

翬請殺桓公將求太宰隱公不許 九 魯桓公允元○

翬懼反譖隱公於桓公而弑之 春魯鄭卒易防

十 宋莊公馮元○春秋以督為有無君之心而後動

於惡故先書弑其君督召莊公於鄭而立之齊魯陳

鄭皆有賂遂相宋公○夏魯取郕於宋滅僖伯諫

不十一 晉小子侯元○春曲沃武公伐翼十二 ○ 戊

聽十一 獲哀侯晉人立其子謂之小子侯 十三 春陳桓公薨文公子佗殺太子免而代之○王

奪鄭伯政鄭伯不朝秋蔡人衛人陳人從王伐



鄭戰于繡葛王卒大十四陳厲公躍元○秋蔡人殺敗祝昧射王中肩陳佗而立桓公弟雖○楚

武王侵隨隨少師請追楚師李梁曰小之能敵大也小道而大溪今民餒而君逞欲不可隨侯懼而修政

楚不敢伐○夏北戎伐齊十五冬曲沃伯誘晉鄭太子忽救齊敗戎師小子侯殺之十六

晉侯緡元○隨少師有寵楚關伯比曰讐有釁不可失也夏楚子伐隨隨侯不用季梁之言敗於速杞楚

獲少師以歸○冬王立晉哀侯之弟緡于晉十七秦○秦寧公薨三父廢太子而立少子出公十七出

公十八冬齊侯衛侯鄭十九曹莊公射姑元○夏鄭元伯伐魯戰于郎莊公薨公子突之母宋

雍氏之女也秋宋人誘鄭祭仲二十鄭厲公突元○而執之使立突太子忽奔衛冬衛宣公薨宣

公生急子屬諸右公子生壽屬諸左公子宣姜與公子朔構急子公使諸齊使盜待諸莘壽子載其旌以

先盜俱殺之故  
二十  
衛惠公朔陳  
冬齊僖

公立政令無常鮑叔牙曰君使民慢亂將作矣奉僖  
公子小白出奔莒○秦三父弑出公復立故太子

○申二十三  
齊襄公諸兒秦武公元○鄭祭仲專政  
厲公使其嬖雍糾殺之不克夏厲公出

奔蔡太子忽復歸于鄭秋厲公復入于櫟王子克  
有寵於王辛伯曰並后匹嫡兩政耦國亂之本也

莊王元年  
衛黔牟鄭昭公忽元○冬衛左公子二  
洩右公子職立公子黔牟衛公奔齊祭

桓侯薨無子蔡人召桓侯弟季于陳而立之○鄭昭  
公忌高渠彌彌懼冬弑昭公而立其弟公子亶○秦武

公討三父  
三  
蔡哀侯獻舞鄭子亶元○春魯侯及夫  
夷三族人姜如齊申繻諫不聽齊侯通於文

姜使公子彭生殺魯侯○秋齊侯誘鄭子亶及高渠  
彌殺之祭仲立昭公弟子儀○周公黑肩謀弑王立

王子克不克而死四魯莊公同五陳宣公六宋閔公捷元○

于七夏紀侯大八楚文王貲元○冬魯侯齊人九衛齊去其國八宋人陳人蔡人伐衛納惠公九惠

公十二○夏衛惠公入放○午甲十○十一齊侯使連教黔牟于周殺二公子○

戌葵丘過期請代弗許公孫無知有寵於傅公襄公絀之二人因以作亂冬弑襄公而立無知管夷吾召

忽奉僖公十二齊桓公小白元○春齊雍廩殺無知子糾奔魯夏魯侯伐齊納子糾桓公自莒先入

秋魯師敗于乾時鮑叔使魯殺子糾而囚管仲以歸薦于桓公曰使相可也十三春魯用

敗齊師于長勺秋荆敗蔡師于葦以蔡侯獻武歸十四十五宋閔公新南

弑閔公及仇牧太宰督而立子游冬蕭叔大心及戴武宣穆莊之族以曹師伐之殺子游立莊公之子御

說南宮萬奔陳  
宋人請而醢之

僖王

齊胡元年

宋桓公二夏鄭傅瑕殺鄭子而納厲公厲

繁曰臣無二心天之制也莊公之子猶有八人若皆以官爵行賂勸戒而可以濟事君其若之何乃縊而死

死○秋三鄭厲公後元○春諸四○晉武公稱二十八

荆入蔡三侯會于野齊侯霸也○曲沃伯滅晉冬王命曲沃伯一軍為晉侯○楚○甲五秦德公元

惠王元年

晉獻公詭諸二秦宣公元○秋為國五大楚堵敖薨元夫秦莊王子顓以伐王弗

克出奔溫蘇子奉子顓以奔三蔡穆侯盼元○春鄭

衛燕師衛師伐周冬立子顓伯和王室不克遂以王歸王四夏虢公鄭伯同伐王城殺五○鄭文公捷元

其太子禦寇陳公子完奔齊齊侯使為卿辭六楚成  
乃使為工正○楚堵敖弟憚殺堵敖而自立王憚

元七曹僖公赤元○冬戎侵曹曹世子八冬晉獻公  
羈出奔陳赤歸于曹赤莊公子也八患桓莊之

族偪盡九衛懿公赤元○甲寅十晉侯將伐虢士為曰  
殺之虢人再侵晉不可若驟得勝於我

必棄其民無眾而伐之欲禦我誰與夫禮十一晉獻公齊  
樂慈愛戰所畜也虢弗畜也亟戰將饑姜生太子

申生大戎狐姬生重耳小戎子生夷吾驪姬生奚齊  
其娣生卓子驪姬嬖欲立其子賂外嬖梁五與東關

嬖五使言於公出太子使居曲沃重十二十三秋  
耳居蒲夷吾居屈唯二姬之子在絳楚

殺其令尹公子元闕殺於菟為令尹自毀十四秦成  
其家以紓楚國之難○秦宣公薨弟成公立公元

十五秋魯莊公疾叔牙請立慶父李友請立太子般  
乃酖殺叔牙公薨慶父使賊殺子般齊人立莊

公之庶子開慶父叔牙季友  
十六魯閔公開曹昭公  
皆桓公子也○冬狄伐邢

邢○夏齊仲孫湫如魯省難歸桓公問曰魯可取乎  
對曰不可猶秉周禮禮所以本也國將亡本必先顛

○晉侯作二軍以滅耿滅魏  
十七衛戴公申元○秋魯慶  
滅霍賜趙宿耿賜畢萬魏

之兄申而誅慶父夫人哀姜與於亂故出奔邾齊人取  
而殺之○冬狄滅衛殺懿公齊宋收其遺民立宣公

之孫戴公戴公尋薨又立其弟文公  
十八魯僖公申  
○鄭棄其師○秦成公薨弟任好立

好衛文公燬元○春齊桓公以諸侯救邢夏邢還  
于夷儀諸侯城之凡侯伯救患分災討罪禮也

九春諸侯城楚丘而封衛焉衛文公務材訓農授方  
任能衛更富昌詩人美之○晉用荀息之謀以璧馬

假道于虞以伐虢夏虞師晉師  
○甲子二十○二十一  
滅夏陽春秋先書虞賄故也

春齊侯以諸侯之師侵蔡蔡潰遂伐楚次于陘責楚包茅不入夏楚子使屈完來盟於師○冬晉驪姬寘毒于胙以譖太子申生申生自殺遂譖重耳夷吾曰皆知之

二十二

春晉公子重耳出奔狄○

王欲廢太子鄭而立寵子帶夏齊桓公以諸侯會太子於首止謀寧周也○秋晉復假道於虞以伐虢宮

之奇諫曰虢虞之表也虢亡虞必從之二十三春晉不聽冬晉滅虢虢還館於虞遂襲虞滅之

二十三

春晉

夷吾出奔梁○秋楚子圍許冬許男面縛請服于楚二十四秋諸侯盟于甯母

氏孔氏齊侯將許之管仲曰不可君以禮與信屬諸侯而以姦終之乃止○冬王崩襄王畏太叔帶之難

不發喪而告難于齊二十五曹共公襄元○春諸侯盟于洮

襄王鄭元年

夏齊桓公會諸侯于葵丘○秋晉獻公薨冬里克弑鄭欲納文公乃殺奚齊荀息立

卓子里克又殺之卻芮使夷吾重  
二 晉惠公夷吾宋  
賂秦以求入秦伯與齊納夷吾  
襄公茲父元○

晉惠公許賂中大夫既而皆背之賂秦伯以河外列  
城五縣而不與又責里克以弑君之罪而殺之丕鄭

使秦伯誘卻芮欲以出晉  
三 夏戎伐京師王  
四 王以  
君而納重耳不克而死  
子帶召之也  
戎難以

故討子帶秋  
○ 甲 五 陳穆公歎元○冬晉饑乞糴于  
王于帝奔齊  
戊 秦秦伯用子桑百里之言輸粟

于晉不豹請伐晉秦伯  
六 冬秦饑乞糴于晉晉侯不  
曰其君是惡其民何罪  
與慶鄭曰背施幸災民所

棄也近猶讎  
七 蔡莊公甲午元○冬秦伯伐晉戰于  
之况怨敵乎  
韓原生獲晉侯以歸秦穆姬以死請

乃舍之已而復歸晉侯  
八 冬鄭殺  
九 夏晉太子質于秦  
始征晉河東置官司焉  
子華 秦歸晉河東○齊

桓公內嬖如夫人者六人皆有子公不用管仲之言  
近豎貂易牙嫡庶不明冬公疾豎貂易牙作亂立長



庶子無虧公之食而薨三月十齊孝公昭元○春宋  
不敵盡流出戶太子昭奔宋襄公以諸侯伐齊齊  
人殺無虧夏宋敗齊師于觀立孝公而還○冬邢人  
狄人伐無虧夏宋敗齊師于觀立孝公而還○冬邢人  
後出師還十一春宋襄公執滕子嬰齊夏盟諸侯于曹  
狄師還十一春宋襄公執滕子嬰齊夏盟諸侯于曹  
侯不從○陳穆公請修好于諸侯以無忘齊桓之德  
○梁伯好土功亟城而不處民疲而不堪秦遂取梁  
春秋書曰梁亡十二○十三目夷曰小國爭盟禍也  
君自取之也  
秋楚子會諸侯宋公于孟執宋十四春魯侯伐邾取  
公以伐宋冬會于薄以釋之  
遷陸渾之戎于伊川○晉太子圉自秦逃歸○王子  
帶自齊復歸京師○秋邾敗魯師于升陘○宋公伐  
鄭楚子伐宋以救鄭宋公不用○甲十五秋楚成得  
子魚之謀冬敗于泓公傷股○申十五臣伐陳有

功子文使為令尹○晉惠公薨冬懷公殺狐突公子重耳先自狄之衛之齊之曹之鄭之宋之楚遂之秦

十六

晉文公重耳宋成公王臣元○春秦伯納重耳于晉殺懷公于高梁呂卻作亂秦伯誅之○夏

王使狄伐鄭因以其女為后富辰諫不聽王子帶通于隗氏王絀之秋狄人奉叔帶以伐王王出適鄭處於汜叔帶十七春衛侯滅邢春秋書名罪滅同姓○居于溫夏晉文公用狐偃之言納王取叔帶

于溫殺之王與之陽樊溫原欒茅之田晉始啓南陽○秋秦晉伐鄭○冬晉侯圍原命三日不降命去之

曰信國之寶也得十八衛成公鄭元○夏齊伐魯○原失信所亡滋多秋楚人滅夔○宋叛楚即晉

楚得臣伐宋○魯以楚師伐齊取十九夏齊孝公薨殺寘桓公子雍于穀楚申叔戌之弟潘殺孝公

子而代立○冬楚子及諸侯圍宋宋告急于晉晉侯將救宋乃蒐于被廬作三軍謀元帥趙衰曰卻穀可

說禮樂而敦詩書  
二十 齊昭公潘元○春晉侯侵曹  
乃使邲穀將中軍

伐衛

衛侯出居于襄牛晉侯

入曹執曹伯楚子使子玉去宋子玉固請與戰夏戰  
于城濮楚師敗績王享晉侯於踐土命晉侯為侯伯

王子虎盟諸侯于王庭衛侯出奔楚使元咺奉叔武  
以受盟楚殺子玉晉人復衛侯衛侯殺叔武元咺訟

諸晉冬晉人執衛侯元咺立公子瑕晉侯召王以諸  
侯見春秋書天王狩于河陽以其詞逆而意順也晉

侯復  
二十一 陳共公朔元○夏王子虎  
曹伯 會諸侯大夫盟于崔泉  
二十二 秋晉

衛侯衛侯殺元咺及公子瑕○晉侯秦伯圍鄭秦私  
與鄭盟留杞子戍鄭而還子犯請擊秦晉侯不可

二十三 秋晉作五軍○二十四 春晉楚修好○夏衛  
冬衛遷于帝丘 人侵狄狄請平○冬

晉文公薨○杞子自鄭告于秦使襲鄭蹇叔曰師行  
千里其誰不知遠主備之無乃不可乎秦伯不聽使

孟明西乞白乙出師蹇叔哭之曰吾見師之出不見其入也又曰晉人禦師必于殽○午二十

五晉襄公驪鄭穆公蘭元○春秦師及滑鄭人覺之滅滑而還夏晉襄公及姜戎敗秦師于殽獲三帥

文嬴請而免之秦穆公悔過自責作秦誓不替孟明曰孤之過也○秋晉侯敗狄於箕先軫死○冬楚子

上伐鄭二十六魯文公興元○夏晉侯伐衛取戚○侵蔡先且居使晉侯朝王○衛孔達伐晉

○楚成王將以商臣為太子子上曰君齒末也而又多愛黜乃亂也弗聽既又欲立職冬商臣以宮甲圍

成王王請食熊二十七楚穆王商臣元○春秦孟明蹇不許而死伐晉敗於彭衙秦伯猶用孟

明增修國政趙成子曰秦師又至必將避之念德不怠庸可敵乎○冬晉先且居伐秦春秋不書卿為穆

公故尊二十八夏秦伯伐晉濟河焚舟取王二十九秦也官及邠遂霸西戎用孟明也

秋楚人三十秋楚人滅六冬滅琴三十一春晉蒐于夷舍二軍趙盾始為國政○夏

秦穆公薨以三良殉○秋晉襄公薨靈公少晉人以難故欲立長君趙盾使先蔑士會如秦逆公子雍賈

季使召公子樂于陳趙孟殺三十二晉靈公夷臯泰諸鄆賈季殺陽處父而奔狄康公瑩元○夏

宋穆襄之族殺公孫固公孫鄭○晉穆嬴日夜抱太子以啼于朝趙宣子患之乃立靈公而禦秦師敗秦

于令狐先蔑三十三宋昭公杵臼元○春晉歸戚田于會奔秦于衛○夏秦人伐晉取武成○

冬宋襄夫人作亂殺大司馬公子印

頃王臣元年春晉先都士穀箕鄭父作亂殺先克晉人討而殺之○楚人伐鄭侵陳陳鄭皆及楚

平○甲辰二曹文公壽元○夏楚殺子西○冬楚子陳侯蔡侯鄭伯次于厥貉宋公逆楚子以田

於孟

### 三

夏魯叔彭生會晉卻缺於承匡○冬春邠

諸儒奔魯○冬秦伯伐晉取五夏晉以詐取士會于秦

羈馬晉及秦師戰于河曲○鄭文公卜遷于繹史

曰利于民不利于君邾子曰民六楚莊王旅陳靈公

苟利矣孤必與焉遂遷於繹平國元○齊昭公

夫人魯姬無寵生子舍無威公弟商人驟施于國而

多聚士夏昭公薨商人弑舍而自立○秋趙盾納捷

留于邾弗克納○楚闕克

公子燮作亂弗克而死

## 匡王

班

### 元年

齊懿公商人元○秋齊侯侵魯冬晉侯會

諸侯盟于扈將為魯討齊既而取賂而還

齊侯復侵魯遂伐曹討其朝魯也李文子二蔡文公

曰齊侯其不免乎已則無禮而討有禮申元○

春魯及齊平○秋楚大饑戎蠻庸麋百濮皆叛之用

為賈潘圻之謀羣蠻皆服遂滅庸○宋昭公無道公

子鮑禮於國人冬襄夫三宋文公鮑元○春晉荀林人攻昭公殺之而立鮑父以諸侯之師伐宋討曰

何故殺君猶立文公而還四春魯文公薨○齊懿公卿不書於春秋失其所也無禮於閭職邠歌而近

之夏二人弑懿公齊人立桓公子元○魯文公元妃出姜生惡及視二妃嬴氏生倭嬴氏嬖而私事襄仲

冬襄仲殺視及惡而立宣公魯公室由五齊惠公倭是遂微○莒太子僕弑莒公而奔魯

秦共公稻元○秋楚子鄭人侵陳遂侵宋晉趙盾帥師救陳於是晉侯侈趙宣子驟諫而不入故不競於

楚○甲寅六春鄭公子歸生伐宋獲宋華元○晉靈公為無道欲殺趙盾盾出亡秋趙穿攻殺靈公

公宣子未出山而復太史書曰趙盾弑其君宣子逆文公子黑臀於周而立之

定王瑜元年

晉成公黑臀元○春楚子伐陸渾之戎遂觀兵於周疆定王使王孫滿勞楚子楚子

問曰之大小輕重二鄭靈公夷元○夏鄭公子宋與

滿曰在德不在勇公子歸生謀弑靈公歸生不可

宋反譖歸生歸生懼而從之春秋書歸生弑其君君

子曰仁而不武無能達也鄭人立穆公子堅○秋楚

令尹闕椒作亂殺司馬三鄭襄公秦桓五○六夏

薦賈楚子謀而殺之堅元公元五○六楚

子滅舒蓼盟七秋晉荀林父以諸侯之師伐陳晉侯

兵越而還薨于扈乃還○陳靈公通於夏姬詩

人刺之洩治諫冬公殺洩治○鄭伯敗楚師八晉景

于柳巷國人皆喜唯子良憂曰是國之災也八公孺

衛穆公邀元○夏陳靈公飲酒於九齊頃公無野陳

夏氏夏姬之子徵舒射而殺之成公午元○春

楚子伐鄭及櫟鄭及楚成遂侵宋○冬楚子討陳夏

氏亂入陳櫟夏徵舒因縣陳用申叔時之諫乃復封

陳召靈公太子午于晉而立之○甲子春楚子入鄭

○鄭既受楚盟又徵事于晉子十鄭伯內袒牽



羊以迎楚子舍之夏晉荀林父救鄭士會不欲戰曰  
楚德刑政事典禮不易不可敵也先穀曰不可遂與

楚師戰于邲晉師大敗荀桓子歸請死晉侯  
用士渥濁之言使復其位○冬楚子滅蕭 十一 晉

殺先 十二 春衛殺孔達○夏晉侯伐鄭○宋  
殺 人殺楚行人申舟秋楚子圍宋 十三 宣

公廬元○春宋人告急于晉晉人不救宋及楚平○  
夏晉荀林父帥師滅赤狄潞氏晉侯賞士伯曰微子

吾喪伯氏矣○王札子殺召伯毛 十四 春晉士會滅  
伯○秋晉魏顆敗秦師于輔氏 赤狄甲氏及

留吁鐸辰始將中軍盜奔于秦 十五 春晉卻克召會  
○秋王孫蘇奔晉晉人復之 于齊齊婦人笑

之卻克怒請伐齊晉侯不許晉侯會諸侯于 十六 蔡  
斷道齊高固逃歸秋士會請老使卻克為政 景

侯固元○春晉侯伐齊○秋邾人戕鄆子于鄆○魯  
公孫歸父欲去三桓以張公室與宣公謀而聘于晉

未返冬宣公薨魯遂東門氏歸父奔晉十七魯成公黑肱楚共王審元

公微我無備遂伐之十八夏齊師伐魯還敗衛師于王師敗績於茅戎新築○秋晉卻克伐齊大

敗齊師于鞏齊侯使國佐受盟于晉且歸魯衛之侵地冬楚令尹子重侵衛及魯魯衛及諸侯之大夫竊

與楚盟十九宋共公瑕衛定公滅元○春晉侯以諸于蜀侯伐鄭○冬晉作六軍○齊侯朝于晉

○甲戌二十夏魯侯朝于晉晉侯不禮魯侯欲求成于楚季文子曰晉未可以貳乃止○冬鄭伯

伐許晉欒書伐鄭楚子反救鄭鄭伯與許男訟二十一鄭悼公費元○晉趙同

夏梁山崩○許靈公訴鄭伯於楚鄭伯請成于晉○冬晉侯與諸侯盟于蟲牢○宋殺公子圍龜

簡王夷元年吳子壽夢元○夏晉遷于新田○秋楚子重伐鄭冬晉欒書救鄭楚師宵潰晉遂侵

蔡楚師救蔡樂武子不戰而**二**鄭成公踰元○春吳  
還○吳子壽夢立始大稱王伐鄭○秋楚子重伐  
鄭諸侯救鄭囚楚鍾儀遂同盟于馬陵○楚子反子  
重殺申公巫臣之族巫臣為晉通使於吳教之戰陣  
教之叛楚吳始伐楚伐巢伐徐入州來蠻夷**三**春晉  
屬服於楚者吳盡取之○冬衛孫林父奔晉侯使  
魯歸汶陽之田于齊諸侯由是貳於晉○晉樂書侵  
蔡遂侵楚獲沈子揖○夏晉趙姬譖趙同趙括殺之  
武從姬氏畜於公宮韓厥曰成季宣**四**春諸侯同盟  
孟不可忘也乃立武而反其田焉于蒲楚人以  
重賂求鄭鄭伯從楚秋晉人執鄭伯使樂書伐鄭楚  
子重侵陳遂伐莒莒潰○冬晉侯使鍾儀求成於楚  
鄭人用公孫申之謀圍許示晉**五**齊靈公環元○春  
不急君也楚公子成如晉脩好鄭公子班立公子  
繻夏鄭人殺繻立髡頑晉侯有疾立太子州蒲為君  
而會諸侯伐鄭鄭人賂晉侯以來成鄭伯歸殺公孫

申六

晉厲公州蒲元○宋華元善於令尹子重又善於樂武子冬華元如楚遂如晉合晉楚之成秦

晉為成將盟於令狐秦伯不肯涉河○周公楚出奔晉

七

晉士燮會楚公子罷盟于宋西門之外狄

晉卻至如楚蒞盟冬

八春晉侯以諸侯朝王遂從劉康公成肅公伐秦秦師敗績

夏曹伯廬卒於師庶子負芻殺太子而自立公子欣時將亡國人皆將從之成公懼告罪且請焉乃反而

致其邑

○甲九

曹成公負芻元○夏衛孫林父自晉歸于衛冬衛定公薨定姜見太子衎之不

哀也曰天禍衛國也夫吾不獲鱗也使主社稷大夫聞之無不聳懼

十

秦景公衛獻公衎元○春晉會

諸侯于戚執曹伯將立欣時辭曰聖達節次守節下失節敢失守乎遂奔宋○夏楚子侵鄭及衛○秋宋

蕩澤殺公子肥華元討而殺之魚石奔楚○冬晉三卻殺伯宗○諸侯大夫會吳鍾離○許遷于葉

一 宋平公成元○春鄭叛晉從楚夏晉侯伐鄭楚子救鄭范文子不欲戰曰自非聖人外寧必有內憂

弗聽遂敗楚師于鄢陵射共王中目楚殺子反○秋晉人歸曹伯○晉人執魯季孫行父冬魯叔孫僑如

奔齊魯殺十二夏諸侯從尹子單子伐鄭同盟於柯陵○秋齊用聲孟子之譖則鮑牽逐

高無咎國佐殺慶克以叛○冬晉厲公欲盡去羣大夫而立其左右殺卻錡卻犇卻至而立胥童樂書中

行偃殺胥童十三春樂書中行偃弑厲公逆襄公曹而執厲公孫周於京師而立之悼公即位脩

百官治舊政晉復霸○齊人殺國佐○夏楚人納宋魚石於彭城晉侯以諸侯之師救宋圍彭城遇楚師

於靡角楚師還○十四彭城降晉晉以宋五大夫在冬諸侯盟于虛打

彭城者歸○夏晉韓厥伐鄭

靈王

心泄

元年

春齊侯伐萊

○秋晉師侵鄭

諸侯大

二鄭

傳

鄭

公髡頑元

○春楚子重伐吳

人獲鄧廖

○夏單子

會諸侯同盟于雞澤

○楚令尹子辛侵欲于小國

陳

侯疾之使表僑如會求成

○晉侯之弟陽干亂行

三

魏絳戮其僕晉侯以為能以刑佐民使佐新軍

春陳成公薨楚人將伐陳聞喪而止陳人不聽命滅

武仲曰陳必亡

○冬魯侯如晉請屬鄆許之

○晉用魏

絳之謀始和諸戎

○邾子莒人伐

四

陳哀公弱元

○

鄆魯滅訖救鄆侵邾敗于狐駘

秋楚人殺令尹

子辛

○諸侯會于戚會吳且命戍陳也

○魯以屬鄆

為不利復歸之

○楚子囊為令尹晉范宣子曰我喪

陳矣冬子囊伐

○甲午

五

秋莒人滅鄆

六

冬楚子囊

伐陳諸侯

會于鄆以救之

鄭僖公如會于馬相僖公不禮焉子

駟夜弑僖公而以瘡疾赴於諸侯

陳慶虎慶寅以楚

驕古錄

十六

十六

十六

難故名陳侯于會陳侯逃歸

七

鄭簡公喜元○夏鄭犀公子謀子駟殺之○鄭子國子耳侵蔡

獲蔡公子燮○晉悼公會諸侯之大夫于邢丘以命朝聘之數復文襄之業○冬楚子囊伐鄭子展欲待

晉子駟不○春宋災○秦乞師于楚子囊曰晉君明可遂從楚○臣忠不可敵也秋秦人侵晉○冬諸侯

圍鄭鄭人行成同盟于戲楚子伐鄭鄭及楚平晉侯用魏絳之言省用息民三駕而楚不能與爭九

春諸侯會吳子于柰遂滅偃陽○夏楚鄭伐宋○晉伐秦鄭皇耳侵衛衛人敗之獲皇耳秋楚子囊鄭子

耳侵魯還圍蕭侵宋諸侯伐鄭冬盜殺鄭子國子駟子耳鄭及楚平楚子囊救鄭諸侯還鄭復從楚王叔

奔十春魯作三軍季孟叔孫三分公室各有其一○晉十夏鄭侵宋諸侯伐鄭鄭人行成同盟于亳楚子

秦師伐鄭鄭伯逆之遂伐宋諸侯悉師以復伐鄭會于蕭魚鄭自是服于晉晉侯賞魏絳以金石之樂○

冬秦敗晉 **十一** 秋吳子乘薨太子諸樊既除喪以其  
師于櫟 弟季札賢將立之季札曰君義嗣也

誰敢干君國立之棄 **十二** 吳子遏元○夏晉侯命士匄  
其室而耕乃舍之 將中軍以讓荀偃其下皆讓

君子美之○秋吳侵楚養 **十三** 楚康王昭元○春諸  
由基敗諸庸滿獲公子黨 侯會吳于向○夏諸

侯之大夫從晉侯伐秦至于栢林而還○衛獻公不  
禮于孫林父甯殖二子作亂獻公奔齊二子立公孫

剽○晉舍新軍○秋楚子囊伐 **十四** 衛殤公剽元○  
吳吳人敗之○冬諸侯會于戚 春王遂后于

齊○夏齊侯伐魯圍 **十五** 晉平公彪元○春晉  
成○秋邾人伐魯 辰 平公會諸侯于溴梁

執莒子邾子以其侵魯故也齊高厚逃歸齊侯 **十六**  
伐魯○夏諸侯之大夫伐許○秋齊侯伐魯

春宋人伐陳○夏衛石買伐曹○秋齊侯 **十七** 夏晉  
伐魯○冬邾人伐魯○宋華臣出奔陳 人執



衛石買○秋齊侯伐魯○冬晉平公以諸侯圍齊  
齊侯將走郵棠太子光諫而止○鄭子孔將召楚師  
以去諸大夫楚令尹子庚伐鄭  
十八曹武公勝元○  
至于蟲牢子孔不敢會楚師  
柯晉人執邾子○齊靈公愛少子牙遂疎太子光使  
高厚宿沙衛傅牙以為太子夏齊侯病崔杼微逆光  
而立之殺高厚宿沙衛晉士勾伐齊聞齊  
十九齊莊  
侯薨乃還○秋鄭殺子孔以子產為卿  
元○夏諸侯盟于澶淵○秋魯人伐邾○蔡公子變  
欲與晉蔡人殺之蔡公子履出奔楚○冬衛甯殖卒  
遺命其子喜使納  
二十春邾庶其以漆間丘奔魯○  
獻公以掩其耻  
晉范匄逐欒盈秋盈出奔楚  
冬晉會諸侯于沙  
商任緡欒氏也  
二十一秋欒盈自楚適齊晏嬰諫齊  
侯不聽○冬晉會諸侯于沙  
隨復錮欒氏也○  
二十二夏陳殺慶虎慶寅○齊莊  
楚殺令尹子南  
公以藩載欒盈納諸曲沃

盈以曲沃之甲入絳不克反奔曲沃晉人圍之滅其族○秋齊侯伐衛遂伐晉登太行張武軍于焚庭而

還○冬魯臧孫紇出奔邾○齊侯襲莒傷股而退○**二十三**○秋晉會諸侯于夷

懼求援于楚冬楚子伐鄭○齊人為王城郊○**二十四**○春齊崔杼伐魯○

以救齊○齊人為王城郊○**二十四**○齊莊公通于崔杼之妻夏崔杼弑莊公立靈公庶子杵臼而相之晉會諸侯于夷儀以伐齊齊人以莊公說○鄭入陳○秋

衛獻公入于夷儀○楚滅舒鳩○冬○**二十五**○齊景公杵臼吳子諸樊伐楚門于巢卒弟餘祭立○**甲寅**○**二十五**○齊

公杵臼吳子餘祭元○春衛甯喜弑其君剽衛孫林父入于戚以叛衛侯衍復歸于衛○夏楚子侵鄭○

晉會諸侯于澶淵執甯喜及衛侯○宋寺○**二十六**○衛獻人伊戾譖太子痤殺之○晉人歸衛侯○**二十六**○公後

元○甯喜專夏衛侯殷之公弟鱄以公無信出奔晉終身不仕○宋向戌善於趙文子又善於令尹子木

欲弭諸侯之兵以爲名乃合晉楚及諸侯  
之大夫盟于宋秋齊慶封殺崔杼并其家  
侯陳侯蔡侯胡子沈子白狄朝于晉魯侯宋公陳侯  
鄭伯如楚宋之盟故也○齊慶封好田而耆酒與慶  
舍政而田于萊冬公孫蠆公孫窶與陳鮑  
攻慶舍殺之慶封伐齊不克奔魯又奔吳

稽古錄卷十